

Per trutgs e pitgognas dals 08-07-2011

Proposta da Joachim Wasescha

Mulegns - Tga - val Bercla – Fuorcla da Faller - Flüeseen - Stallerberg - Beiva

Durada: 6 - 7 uras davent da Mulegns
Differenza d'autezza ensi: 1400 m
Differenza d'autezza engiu: 1150 m
Lunghezza: 18 km

Ruta:

La via charrabla davent da Mulegns nua che vegniva midà ils chavals durant il temp da la posta da chavals, maina tras il guaud fin sin la vasta planira da l'alp Faller cun las duas fracziuns Tga e Plang. Curt avant Tga cumenza il trutg bain marcà che maina en la val Bercla, l'emprim tras pastgiras e pli tard sur gondas. Da maun dretg da la val salidan il piz Platta e da maun sanester las muntognas dals Laiets ed il piz Scalottas. Mazzaspitz ed il piz Surpare serran giu la val. Bainspert suenter la Fuorcla da Faller arriv'ins tar ils "Flüeseen" e tar il Stallerberg. Ina descensiun lunga, per part detg spundiva, maina giu a Beiva.

Particularitads:

- val Faller e val Bercla, duas vals isoladas e quietas al pe dal Piz Platta
- flora, per exempel l'araldin (Himmelsherold) sin la Fuorcla da Faller
- ils "Flüeseen" e la vista giu sin la val Avras
- las palids ed il laiet dal Plagn Tguils
- vista sin la val dal Gelgia
- Beiva cun las duas baselgias
- fin ils 19 d'october cursescha davent da Savognin in bus fin Tga (mintga mesemna da las 7.45 e 9.15 uras)